



ნოდარ ლომოური

მოპრადებული მოგონებაი

დღეს, როდესაც ჩვენი ქვეყანა პოლიტიკურ დაპირისპირებათა ას-პარეზადა ქცეული და მისი ძირძეელი მხარები ოკუპირებულია, უდიდე-სი მნიშვნელობა აქვს ერის სულიერების აღორძინებას. ამჟამად ჩვენ ამ მხრივ აშკარა წარმატებების მოწმენი გართ: გამოფხიზლდა ახალგაზრდა თაობა, ერის სადაცები საიმედო ადამიანის ხელში აღმოჩნდა. შემდგომი მოსალოდნელი სიძნელეების დაძლვის, ერის ცხოვრების რეალური გაუმ-ჯობესებისთვის ბრძოლაში უდიდესი როლი ენიჭება ჩვენი ერის საიმედო მოძღვარს, სრულიად საქართველოს კათოლიკოს-პატრიარქს ილა II.

მე ღმერთმა უდიდესი პატივი და ბედნიერება მარგუნა, რომ მისი უწ-მიდესობა ძალზე დიდი ხნის წინ გამეცნო და მასთან საკმაოდ ახლო ურთიერ-თობაც მქონოდა. ამის შესახებ ადრეც დამიწერია, მაგრამ დღეს კვლავ მინდა გაფიხსენო ის უბედისერები და საამაყო წუთები, საათები და დღვები. ვფიქრობ, ჩვენი ახალგაზრდა თაობებისთვის არ იქნება ზედმეტი ამის გაცნობა. მე კი კიდევ ერთხელ ქედს მოვიხრი მისი უწმიდესობისა და უნეტარესობის წინაშე.

* * *

1966 წელი იყო. იმ ზაფხულს კელასურის ტურბაზაში ვისვენებდი; წავე-დი ბიჭინთაში, სადაც კოლეგები და მეცნიერებები არქეოლოგიურ გათხრებს აწარმოებდნენ; გაგრიდან სოხუმში საგარეუბნო მატარებლით ვბრუნდებოდი; გაგონში ავედი, ხალვათობა იყო, ფანჯარასთან ერთ-ერთ სკამზე მოვთავსდი, რაღაც ბროშურას თუ გაზეთს ვკითხულობდი; ვიგრძენი, რომ ჩემ წინ სკამ-ზე ვიღაც დაჯდა; თავი ავწიე და განვცაფიფრდი; ჩემ წინ იჯდა სასულიერო პირი, სრულიად ახალგაზრდა, მეტად სანდომიანი სახისა. ასეთი ახალგაზ-რდები მაშინდელ სამღვდელოებაში დიდ იშვიათობას წარმოადგენდნენ, მით უფრო ასეთი დახვეწილი, ინტელიგენტური იერისა. აღარ მახსოვს როგორ, მაგრამ ჩვენ შორის საუბარი გაიბა და კიდევ ერთხელ განვცვიფრდი...

მკრეზელობად ნუ ჩამითვლით, მაგრამ ჩვენ არ ვიყავით შეჩვეულნი სამ-ღვდელოების წარმომადგენელთა განათლებულობას (მცირე გამონაკლი-სის გარდა), ჩემი თანამგზავრი კი გათვითცნობიერებული მელაპარაკებოდა ბიჭინთის გათხრებზე, იქ აღმოჩენილ ძეგლებზე... მერე, როცა გაიგო, რომ

ისტორიკოსი ვიყავი და თანაც ბიზანტინოლოგის დარგში ვმუშაობდი, აუარებელი კითხვა დამისვა და ამითაც კვლავ გამოჩნდა მისი საფუძვლიანი განათლებული, სასულიერო პირი რატომ გახდით?“ ღიმილით მიპასუხა: „განათლება მოსკოვის სასულიერო აკადემიაში მივიღე, ამასთან, ბავშვობიდანვე ოჯახში ვკითხულობდი ფანე ჯავახიშვილს, ექვთიმე თაყაიშვილს, კალისტრატე ცინცაძეს, მოსკოვში გავეცანი უსპენსკის შრომებს, შინ მაქვეს სიმონ ყაზხიშვილის „გეორგიკა“... რაც შეეხება ჩემ მიერ არჩეულ გზას, მე მწამს, რომ ერს უნდა ჰყოდეს ახალგაზრდა, განათლებული სამღვდელება, რომელიც მის სულიერ ცხოვრებას საძირკველს აუშენებს“.

ცხადია, ჩვენი საუბარი ზუსტად არ მახსოვს, მაგრამ სამუდამოდ ჩამორჩა გონიერაში ეს სიტყვები — „საძირკვლის აშენება“.¹ ამასობაში მე უკვე ვიცოდი, რომ ჩემ წინ იჯდა მეუფე ილია, ერისკაცობაში ირაკლი შიოლაშვილი, წარმოშობით ყაზბეგის რაიონიდან, იმუამად ცხუმ-აფხაზეთის ეპარქიის მღვდელმთავარი.

აი, ასე, სრულიად მოულოდნელად გავიცანი საქართველოს მომავალი კათოლიკოს-პატრიარქი ილია II. იმხანად მე ვამბიობდი ხოლმე — ღმერთი არ მწამს მეთქი და გონს რომ მოსულიყვავი, უფალმა ამ დიდებულ პიროვნებას შემახვედრა.

როდესაც თბილისში დავბრუნდი და მამას მოუყევი ამ შეხვედრის შესახებ, ორივეს თითქმის ერთდროულად აღმოგვხდა: „მოგვევლინა მეორე კალისტრატე ცინცაძე!“ შემდეგ კარგა დიდხანს არ მქონია შემთხვევა მასთან შეხვედრისა.

საჭიროდ ვთვლი, გადაუხვიო მთხვარ თუმას და საგანგებოდ აღვნიშნო: აუცილებელია მოხდეს 1927-1952 წლებში საქართველოს კათოლიკოს-პატრიარქის კალისტრატე ცინცაძის მოღვაწეობის გაშუქება, როგორც მასმედიაში, ისე სკეციალურ გამოკვლეული. მე მქონდა პატივი, ბაჟშვილიდან შევხვედროდი მის უწმინდესობას, რადგან იგი ბრძანდებოდა ჩემი ოჯახის ახლობელი და ხშირად მობრძანდებოდა კიდეც ჩვენთან; მაქვს ზოგი რამ მოსაგონარიც. კალისტრატე ცინცაძე იყო ღირსული წინამაყალი ჩვენი ამეამინდელი ერის სულიერი მამისა, მას უდიდესი ღვაწლი მიუძღვის ჩვენი ერის ცხოვრების მრავალ დარგში და ახალმა თაობამ ამის შესახებ უნდა იცოდეს.²

დაუბრუნდეთ იმ თემას, რომლითაც ჩემი მოგონებები დაუიწყე. რო-

¹ ქლასურში რომ ჩავდა, მაშინვე ჩავიწერ ეს შეხვედრაცა და ჩვენი საუბარიც.

² კალისტრატე ცინცაძის ცხოვრებისა და მოღვაწეობის შესახებ არსებობს ცნობილი მეცნიერის მიხილ ქაგარიას მოკლე მიმოხილვა, რომელიც „ბოლოსატევის“ სახით აქვს დართული 1994 წ. გამოქვეყნებულ კალისტრატე ცინცაძის შრომას — „ქაშეთის წმინდა გიორგის ეკლესია ტფილისში“, გვ. 263-271; მიუხედავდ იმისა, რომ აქ სათანადო და სრულიად დამაკვრებელი შეფასება მისი ღვაწლისა, ეს არ კმარა, გასათვალისწინებელია 2008 წელს გამოსული ბაბო დადიანის „მოგონებათა დღიური“ (გვ. 48-50), სადაც მისი უწმიდესობას ღვაწლის სხვა მხარეცაა გაშუქებული.

გორც აღვნიშნე, ილია შიოლაშვილს დიდხანს აღარ შევხედრივარ და ამის ერთ-ერთი მიზეზი იყო ის საშინელი ზეწოლა კომუნისტური რეჟიმისა, რომელიც ეკლესიასთან ყოველგვარ კონტაქტს გვიკრძალავდა. 60-იან წლების ბოლოს ვითარება საგრძნობლად შეიცვალა, პარტიულ-კომკაფშირული ხელმძღვანელობის შემადგენლობა აშკარად გაუმჯობესდა და ამან გარკვეული გაულენა რელიგიისადმი დამოკიდებულებაზედაც მოახდინა. მართალია, ანტირელიგიური პროპაგანდა არ შემწყდარა, მაგრამ იგი უფრო ზერულე, ფორმალურ ხასიათს ატარებდა; აღარ ხდებოდა მოწმუნეთა რელიგიური განწყობების შებღალვა, ეკლესიის ცხოვრებაში რეპრესიული ჩარეგა; ქართულმა მართლმადიდებლურმა ეკლესიამ მონაწილეობა დაიწყო საერთაშორისო ფორუმებში, საქართველოში ჩამოდიოდნენ სხვადასხვა ქვეყნის საეკლესიო დღელებაციები; მათთან შეხვედრებში ჩვენც — პარტიის წევრი მეცნიერებიც კი ვმონაწილეობდით. მასსოვს, 1973 წ. პროფ. სიმონ ყაუხებიშვილი და მისი თანამშრომლები (ბიზანტინისტები) დავისწარით „გოდიქსის“ შენობაში³ საგანგებო ბანკეტზე ბერძენი სამღვდელოების მიღებას. სწორედ ამ მიღებაზე მე კვლავ შევხვდი ილია შიოლაშვილს. იგი თვითონ მოვიდა ჩემთან და მომიკითხა. გავიხსენეთ ჩვენი პირველი შეხვედრა მატარებელში, მეუფე ძალიან ქმაყოფილი ჩანდა იმ დროის საქართველოში რელიგიის მიმართ პოლიტიკის შერბილებით.

მიუხედავად აღნიშნულისა, ჩვენზე — პარტიის წევრებზე ერთგვარ ზეწოლას მაინც ჰქონდა ადგილი, კერძოდ, რელიგიის საქმეთა საკავშირო კომიტეტის საქართველოს განყოფილების და ცალკეულ პარტიულ კომიტეტთა მხრიდან. მასსოვს, მე კინაღამ პარტიიდან გამრიცხეს იმის გამო, რომ ერთ-ერთ სუფრაზე თამადობისას „ყოვლადწმინდას“ სადღე-გრძელო შევსვი. მაგრამ 1974 წლიდან ვითარება კიდევ უფრო გაუმჯობესდა, როდესაც ზემოაღნიშნული საკავშირო კომიტეტის საქართველოს განყოფილების თავმჯდომარედ დანიშნა ჩემი ბავშვობის მეგობარი ონგიზ ონოფრიშვილი.⁴ თ. ონოფრიშვილმა დაამთავრა მოსკოვის საერთაშორისო ურთიერთობათა ინსტიტუტი, 60-იანი წლების დასწევისში დაბრუნდა საქართველოში, მსახურობდა სხვადასხვა სახელმწიფოებრივ ორგანოებში („გოდიქსი“, გაზეთების „ზარია ვოსტიკას“, „კომუნისტის“ რედაქციაში), ხოლო 1974 წ. მას ჩვენთან რელიგიის საქმეთა კოორდინირება ჩააბარეს. მასსოვს, მან მთხოვა მასთან მისელა და მითხრა: მე რელიგიის საქმეებში ნაკლებად ვერკვევიო და შენ, როგორც ბიზანტიისტი, უნდა დამჭმაროო. ამით აიხსნება, რომ ამ დროიდან საკმაოდ აქტიურად აღმოვჩნდი ჩართული საქართველოში რელიგიის პრობლემების მოგარების პოცესებში,

³ „გოდიქსი“ — „უცხოეთში მცხოვრებ თანამემამულებთან მეგობრობისა და კულტურული ურთიერთობების საზოგადოება“; რესული სახელწოდების შემოკლება — ГОКС, ГОДИКС.

⁴ ონგიზ ონოფრიშვილი ჩემი ტოლი იყო (1926 წ. დაბადებული), მას მამა (დავითი) ძალიან აღრეგარდა ეცვალა, ხოლო დედამისი, ნატალია ზენკო დედაჩემის ძალიან ახლო მეგობარი იყო.

და აი, ამ სარბიელზე კვლავ მომიხდა მეუფე ილიასთან შეხვედრა და ერთგური თანამშრომლობაც. უნდა აღვნიშნო, რომ ჩვენ თვალს ვაღვენებდით და ერთგურად ხელს უწყობდით არა მარტო მართლმადიდებლური ეკლესიის მოღვაწეობას, არამედ სხვა კონფესიის (კათოლიკების, ბაპტისტების, ფანგელისტების) მიმდევრებთან თანამშრომლობასთან და ილია შიოლაშვილი ჩვენს ამ საქმიანობას გაგებითა და მხარდაჭერით ხვდებოდა. არ შეიძლება არ აღინიშნოს, რომ თენგიზის გადმოცემას დიდად უწყობდა ხელს იმ დროს უკვე საქართველოს ცკ-ის პირველი მდგანი ედ. შევარდნაძე.

1977 წლის მიწურულს, კათოლიკოს დაფით V-ის გარდაცვალების შემდეგ, მიუხედავად იმისა, რომ თვით ეკლესიაშიაც მას სერიოზული კონკურენტები ჰყავდა და ოფიციალური ორგანოების ზოგიერთი წარმომადგენელი და დისილენტური მოძრაობის ზოგიერთი ლიდერიც მისი კათოლიკოსად არჩევის წინააღმდეგი იყო, წმ. სინოდმა მაინც საქართველოს ეკლესიის ახალ საჭეთპყრობელად ცხუმ-აფხაზეთის მიტროპოლიტი აირჩია.⁵ ამ პროცესშიაც თ. ონოფრიიშვილის წვლილი საკმაოდ მნიშვნელოვანია.

1977 წლის 23 დეკემბერს თენგიზმა მომიტანა საგანგებო მოსაწვევი, 25 დეკემბერს, მცხეთის სვეტიცხოვლის ტაძარში ილია II-ის საქართველოს კათოლიკოს-პატრიარქი და აღსაყდრების ცერემონიალზე დასასწრებად, ჩემზე ბედნიერი იმ დროს არავინ მეგონა! ტაძარში მყოფს ყველაფერი დამავიწვდა — ისიც, რომ ქვეყანაში საბჭოთა ხელისუფლება სუფლდა და ისიც, რომ პარტიის წევრი ვიყავი; რაღაც საოცარი ძალით ამიტაცა სიხამაყემ, სიხარულმა... სვეტიცხოვლიდან თბილისში დაგბრუნდით საგანგებო ბანკეტი დღვენდელი რესპუბლიკის მოედნის ქვეშ არსებულ რესტორანში იყო. საეროთაგან სხვა არავინ მახსოვს (ონოფრიიშვილი არ წამოვიდა), გარდა ჩემი ძეველი მეგობრისა, ცნობილი ეთნოგრაფის კოტე ჩილოფაშვილისა... მთავარი, რამაც განსაკუთრებით ამაღლება, იყო ის, რომ აქ პირველად გაფიგრნეთ ასეთი გამოთქმა: „სრულიად საქართველო“ — „სრულიად საქართველოს სამოციქულო ეკლესია“, „სრულიად საქართველოს კათოლიკოს-პატრიარქი“. საბჭოთა წყობილების პირობებში ეს ტერმინი, ცხადია არ იხმარებოდა თანამედროვე საქართველოს მიმართ გადავხედეთ ერთმანეთს მე და კოტე მე და კოტე მე და კოტე მე და რაღაც

ვისუფალი საქართველო!“

დამთავრდა საზეიმო სუფრა, მოწიწებით გამოვეთხოვეთ მის უწმიდესობას და გამოვედით. დღვენდელი სასტუმრო „ივერიის“ წინ მაშინ ოვალური ფორმის კაფე იყო („მეტრო“)... თითქოს წინასწარ ვიყავით შეთანხმებულნი, მე და კოტე პირდაპირ იქ შევედით.. მოგვიტანეს ღვინო და რაღაც

⁵ ილია შიოლაშვილის არჩევის წინააღმდეგ საკმაოდ აქტიურად გამოდიოდა ე. წ. „პედსინგის კაფშირის“ მეთაური ზეიად გამსახურდია. ჩვენამდე ისეთი ხმაც მოვიდა, რომ იგი თვითონ აცხადებდა სურვილს, ეკლესიის კათოლიკოსი გამხდარიყო.

მისატანებელი. ფეხზე ავდექით და ორივემ საკმაოდ ხმამაღლა ვთქვით: „სრულიად საქართველოს გაუმარჯოს!“ მეორე ჭიქაზე — „სრულიად საქართველოს კათოლიკოს-პატრიარქს ილია II-ს გაუმარჯოს!“, მესამე ჭიქაზე — „სრულიად საქართველოს სამოციქულო ეკლესიას გაუმარჯოს!“ და წამოვედით; სხვა საღლევრძელოს წარმოთქმა არც ერთს არ შევეძლო!

ჩემდა საბედნიეროდ, მის უწმიდესობასა და უნეტარესობასთან ჩემი ურთიერთობის შესახებ ბევრი რამ მაქვს მოსაგონებელი, რაც დრო გადიოდა, სულ უფრო მაოცებდა მისი მაღალი განათლება, დიდი ინტელექტი, ნებისმიერი რანგის ადამიანებთან ურთიერთობის უნარი. მაგრამ მთვარი, რაც ჩემთვის გამორჩეულად გასახსენებელია, ესაა ჩემი მონაწილეობა საქართველოს ავტოკეფალიის აღდგენისთვის ბრძოლაში.

როგორც ცნობილია, საქართველოს რუსეთთან შეერთების შემდეგ, რუსეთმა გააუქმა საქართველოს ეკლესიის ავტოკეფალია და ქართულ ეკლესიას მართავდა რუსი ეგზარქოსი. მართალია, 1917 წ. ქართულმა ეკლესიამ ავტოკეფალია აღადგინა, ხოლო 1943 წ., მისი უწმიდესობის კალისტრატეცინცაბის მრავალწლიანი და შეუპოვარი ბრძოლის შედეგად, რუსეთის ეკლესიამ ცნო საქართველოს ეკლესიის თავისთავადობა,⁶ მაგრამ 70-იანი წლების ბოლოს ჩვენთვის ცნობილი გახდა, რომ კონსტანტინოპოლის ანუ მსოფლიო საპატრიარქო არ სცნობდა საქართველოს დამოუკიდებლობას და ილია II, საქართველოს ეკლესიის საჭეთმცყრობელად არჩევის შემდეგ, აქტიურად იძრბვის ქართული ეკლესიის ისტორიულად დაღასტურებული სტატუსის აღდგენისათვის.

1984 წ. მე თენგიზ ონოფრიშვილმა მთხოვა სათანადო მეცნიერული დასაბუთება ჩამომეუალიბებინა ამ პრობლემაზე. მე იმ დროს ამ საკითხზე ვმუშაობდი, უკვე მქონდა საკუთარი მეცნიერული კონცეფცია ქართული ეკლესიის ავტოკეფალიის ისტორიის შესახებ.⁷ ამიტომ სულ ორ დღეში ჩემი კვლევის შედეგები მიგაწოდე თენგიზს და მან მაღე მაცნობა, რომ იგი გადასცა მის უწმიდესობას. შემდეგ ჩვენ მოგვითოდა ცნობები, რომ მისი უწმიდესობა განაგრძობდა ბრძოლას ქართული ეკლესიის კუთვნილი სტატუსის აღდგენისათვის.

სამწუხაროდ, 1987 წ. თენგიზ ონოფრიშვილი გარდაიცვალა და მე ცოტა ხნით გამოვეთიშე ეკლესიის პრობლემებს, მაგრამ 1988 წლის თებერვალში შემატეობინეს, რომ მისი უწმიდესობა მთხოვს, მივიდე საპატრიარქოში კონსტანტინოპოლის პატრიარქის მიერ გამოგზავნილ დელეგაციასთან შესახვედრად. დათქმულ დროს ვეახელი მის უწმიდესობას საპატრიარქში; იქ დამხვდა პროფ. ზაზა ალექსიძე, ხოლო მთარგმნელის მოვალეობას

⁶ იხ. მიხ. ქავთარიას „ბოლოსიტყვა“ კალ. ცინცაბის ზემოდასახელებულ გამოცემაში, გვ. 263-271.

⁷ 1989 წ. ეს პრობლემა და მასზე ჩემი შეხედულება გამოგვიქვეყნება ნაშრომში: „საქართველოს და ბიზანტიის ურთიერთობა V საუკუნეში“, გვ. 48-60.

ასრულებდა ჩემი თანამშრომელი ბიზანტინოლოგიის განყოფილებიდან, ახალი ბერძნული ენის მცოდნე თამარ მესხი.

კონსტანტინოპოლიდან ჩამოსული დელგაცია შედგებოდა ხუთი მღვდელმთვრისაგან, რომელთაც ხელმძღვანელობდა მიტროპოლიტი ქრიზოსტომიონი. აღსანიშნავია, რომ დელგაციის ხუთივე წევრის, გარდა მაღალი საეკლესიო წოდებისა, ღმრთისმეტყველების მეცნიერებათა დოქტორის ხარისხიც ჰქონდა. მნიშვნელოვანი იყო ის გარემოება, რომ დელგაციას ჩამოტანილი ჰქონდა უკვე ხელმძღვრილი სიგელები, რომლითაც ჩვენ ეკლესიისთვის ავტოკიფალიის, ხოლო მისი მესაჭისათვის პატრიარქის ტიტულის მინიჭება დასტურდებოდა. ამ სიგელების ჩამოტანა ნიშნავდა, რომ მსოფლიო პატრიარქი და უწმიდესი სინოდი ბოლოს და ბოლოს დათანხმდნენ, ეცნოთ საქართველოს ეკლესიის ავტოკიფალია, ხოლო ჩვენი კათოლიკოსისთვის — პატრიარქის ტიტული, ოლონდ იმ დღიდან, როცა მათ ხელი მოეწერებოდა. ერთი შეხედვით, რისთვისაც ვიძროდით, თითქოს მიღწეული ჩანდა, მაგრამ ეს სიგელები ჩვენთვის სრულიად მიუღებელი იყო, რადგან ისინი ჩვენი ეკლესიის ისტორიას აყალბებდნენ. საქმე ისაა, რომ თუ ჩვენ დავთანხმებოდით შემოთავაზებულ ვარიანტს, საქართველოს ეკლესია ავტოკიფალურ ეკლესიათა შორის უკანასკნელ, მე-15 ადგილზე აღმოჩნდებოდა და არა ისტორიულად მისთვის კუთვნილ მეუქვე ადგილზე.⁸ ამიტომ აუცილებელი იყო, რომ მსოფლიო პატრიარქს და შესაბამისად მართლმადიდებლურ ეკლესიებსაც ეცნოთ საქართველოს ეკლესიის მრავალსაუკუნოვანი, V ს-ში აღიარებული ავტოკიფალიის აღდგენა და არა მისთვის ამ სტატუსის ამჟამად მინიჭება. მისმა უწმიდესობამ კამათის დაწყებამდე ზახა ალექსიძე და მე ცალკე გაგვიყვანა და დაგვმოძვრა, რომ რაც შეიძლება შეურიგებლად შევხედროდით მიტროპოლიტ ქრიზოსტომის შემოთავაზებულ წინადაღებას.

დაიწყო კამათი და იგი მეტად დაძაბულად და ზოგჯერ მკაცრად მიმდინარეობდა. აღვნიშნავ ორ მომენტს: 1) როდესაც მე ოპონენტებს ცნობები მოვუყვანე „მოქცევად ქართლისად“-დან, ერთ-ერთმა ერთგვარი ირონიით მითხრა: „ეს ხომ პაგიოგრაფიული თხზულებაა და არგუმენტად ვერ გამოდგება“. მე იქვე მივუგე: „განცვითებული ვარ, რომ მე საბჭოთა მეცნიერი, კომუნისტი, პაგიოგრაფიის ცნობებზე დაყრდნობას შესაძლებლად ვთვლი, ხოლო თქვენ, მაღალი რანგის საეკლესიო პირი, პაგიოგრაფიის მონაცემებს არასანდოდ მიიჩნევთ, ასე ხომ სახარებაც შეიძლება უარვყოთ!“ ჩემი მოკამათე დაიბნა, საკმაოდ ნირშეცვლილმა დახარა თვი. გავხედე მის უწმიდესობას, მას სახეზე კმაყოფილება ეხატა. 2) როცა აშკა-

⁸ წესით ქართველ ეკლესიას ეკუთვნოდა მე-5 ადგილი, მაგრამ კალისტრატე ცინცაძის მეცადინეობით მიღწეული შედგი, რუსეთის ეკლესიის მიერ ცნობა საქართველოს ეკლესიის დამუუკიდებლობისა, გაფრინდა იმ პირობით, რომ აღარებულ იქნა მოსკოვის საპატრიარქოს უპირატესობა. იმ დროს ამაზე არდათანხმება შეუძლებელი იყო.

რა გახდა, რომ დისკუსია შედეგს ვერ მოიტანდა, ავდექი, მივუბრუნდი მის უწმიდესობას და საკმაოდ მკვეთრად განვაცხადე: „ბატონო კათოლიკოსო, თქვენ თუ ამ საკითხს დათმობთ და უკან დაიხვდთ, იცოდეთ, რომ მთელი საზოგადოება, ქართველი ერი ამას არ გაპატივდთ!“ თვითვე ვიგრძენი, რომ ზედმეტი მომიღიდა, ზახასაც უკმაყოფილება შევატყვე... მაგრამ აი, საკვირველება! როცა სტუმრებმა დატოვეს ოთახი, მისი უწმიდესობა მომიბრუნდა, გადამეტვია, მაკოცა და აღელვებულმა მადლობა გადამიხადა: „თქვენ მომეცით დამატებითი საფუძველი, რათა მარტო ეკლესიის სახელით კი არ ვილაპარაკო, არამედ ხალხის, ერის სახელით!“

დისკუსია ამ პრობლემაზე შემდგომაც გაგრძელდა. მისი უწმიდესობა მეტად შემართებული მონაწილეობდა დისკუსიებში, არც ერთხელ არ დაუტვია უკან, არავითარ დათმობაზე არ წასულა. თითქმის სამწლიან ბრძოლაში მას ყოველთვის მხარში ედგნენ ქართველი მეცნიერები, ისეთი მაღალი რანგის სპეციალისტები, როგორებიც იყვნენ ელენე მეტრეველი, ბაბილინა ლომინაძე, მარიამ ლორთქიფანიძე, ზახა ალექსიძე და სხვები.

1990 წლის მარტში ჩვენი ეკლესიის მოთხოვნები ბოლოს და ბოლოს დაკმაყოფილდა, რის შესახებაც მართლმადიდებელ ეკლესიებს ოფიციალურად ეცნობათ სტამბულის (კონსტანტინოპოლის) მსოფლიოს სამიტზე. ქართული ეკლესიის, მე ვიტყოდი, საერთოდ საქართველოს ამ გამარჯვებას ერი უდავოდ და უპირობოდ საქართველოს კათოლიკოს-პატრიარქს ილია II-ს უნდა უმაღლოდეს. მაღლობა ღმერთს იმისთვის, რომ წილად მარგუნა, საქართველოს ეკლესიის ავტოკეფალიის აღდგენისთვის გამართული ბრძოლის ერთ-ერთი მონაწილე მეც ვყოფილიყავი. ამ მონაწილეობის შედეგი იყო მის უწმიდესობასთან ჩემი კიდევ უფრო დაახლოება, ჩემი ჩაბმა რიგ საეკლესიო ღონისძიებებში, ჩემი შრომების გამოქვეყნება საპატრიარქოს ბეჭდვით ორგანოებში.

შეიძლება ვინმებ იფიქროს, რომ მე თავი მომაქვს. რა თქმა უნდა, არც უმაგისობაა. რა არის გასაკვირი იმაში, რომ კაცმა თავი მოიწონოს იმგვარ დიდებულ კათოლიკოს-პატრიარქთან უშუალო ნაცნობობით, როგორიც მისი უწმიდესობა და უნეტარესობა ილია II ბრძანდება, რომლისგანაც მე ყოველთვის ვგრძნობდი თბილ დამოკიდებულებას, სულიერ შემწეობას და ყოველმხრივ მხარდაჭერას.

შევთხოვ უფალს, დიდხანს ამყოფოს ჩვენი ერის ნუგეშად და ქომაგად მისი უწმიდესობა და უნეტარესობა სრულიად საქართველოს კათოლიკოს-პატრიარქი ილია II. დღეს ერთ-ერთ ყველაზე რთულ ვითარებაში მყოფ ერს განსაკუთრებით სჭირდება ასეთი სულიერი მოძღვარი!